



Isalathiso: 20210802-4783
Inombolo yefayili: 13/11/2
Imibuzo: SL Willoughby

INGcaciso eMfutshane yeCandelo loLawulo lweeMviwo: 0010/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kwiiNgcali zeMfundo eziziiNtloko, kwiiNtloko zokuNika iNkxaso kwiKharithyulam, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNtloko zamaziko emfundo alungiselela abaviwa iimviwo zeSatifikethi seMatriki sikaZwelonke neze-Adult Education and Training Level 4

Isihloko: Uqeqesho olunyanzelekileyo lwazo zonke iinqununu, abagadi babaviwa abaziintloko, abagadi babaviwa abaneqhuzu kunye namagosa ezithili abathatha inxaxheba ekuqhutyweni, ekulawulweni nasekuphathweni kweemviwo zeNSC, zeSC neze-AET Level 4 ngo-2021/22

1. IMimiselo Regulations Pertaining to the Conduct, Administration and Management of the National Senior Certificate examination, eyapapashwa kwiGazethi kaRhulumente No 37651 yowe-16 Meyi 2014, ifuna ukuba amasebe emfundo amaphondo makaqinisekise ukuba bonke abagadi babaviwa bakuqeqeshelwe ngokufanelekileyo ukuqhuba iimviwo zeSatifikethi seMatriki sikaZwelonke (National Senior Certificate) (NSC), ezeSatifikethi seMatriki (Senior Certificate) (SC) nezeMfundo noQeqesho lwaBadala (Adult Education and Training) (AET)) Level 4, ngokungqinelana nalo mgaqo-nkqubo usebenzayo ngoku.
2. Nangona uqeqesho belunyanzelekile ukususela ngo-2014 ukuya ku-2020, kuqatshelwe yaye kwenziwa neengxelo ngeqela lezenzo zolwaphulo-mthetho lwezolawulo, ezokuziphatha ngendlela engeyiyo nezokunganyaniseki kwiiimviwo zeNSC zango-2020. Oku kuyibonisa ngokucacileyo imfuneko yokuqeqeshwa kwabagadi babaviwa neenqununu ukulungiselela iimviwo zeNCS zango-2021, ezeNCS nezeSC zangoMeyi/Juni 2022 neemviwo ze-AET Level 4 zango-2021/22.
3. Ilishoni zoqeqesho ziya kuqhutywa, kusetyenziswa iindibano zamaqela ii-Microsoft (MS) Teams, ngowe-20, 21 nowe-22 September 2021 kuzo zonke izithili ezisibhozo. **(makujongwe isiHlomelo B esiqhotyoshelwe apha).**

4. Kuya kucwangciswa iseshoni yoqeqesho enye kudityenwe ubuqu ye-*Smartlock* neyoqeqesho lwabagadi babaviwa ukulungiselela amaziko eemviwo amatsha/aqalayo nge-13 Oktobha 2021 e-*The Settlers High School*.
5. Ngokweeprothokholi ze-*COVID-19* iintlanganiso zasesidlangalaleni nemicimbi yokudibana kwabantu ziyawandisa kakhulu umngcipheko wokunwenwa kwe-*COVID-19* . Ngeso sizathu, uqeqesho lwabagadi babaviwa beNSC/SC bango-2021 luya kuqhutywa kusetyenziswa iqonga lonxibelelwano ngo-intanethi ii-*MS Teams*. Uqeqesho olusebenzisa i-intanethi luya kubanjwa ngamagosa eCandelo eliyiNtloko loLawulo lweeMviwo noVavanyo (kwaNdlunkulu). Uqeqesho lubaluleke gqitha ukuqinisekisa ukuba zonke iinqununu/abaphathi bamaziko, abagadi babaviwa abaziintloko nabagadi babaviwa abaneqhuzu, bawo onke amaziko eemviwo, bafumana uqeqesho olufanelekileyo. Ngenxa kabhubhane we-*COVID-19*, **kufuneka** kubandakanywe imigaqo eyongezelelweyo ukulungiselela ukuqhutywa nokulawulwa koviwo ukuqinisekisa ukhuseleko olungaphezulu lwabo bonke abaviwa nabathathi-nxaxheba.
6. **Kunyanzelekile** ukuba baye kwiiseshoni zoqeqesho zee-*MS Teams* aba bathunywa balandelayo bachaphazelekayo ezimalunga nokuqhutywa, ukulawulwa nokuphathwa kweemviwo zeNSC, ezeSC neze-AET Level 4 zango-2021/22:
 - Iinqununu/abaphathi bamaziko (**abagadi babaviwa abaziintloko**);
 - Amalungu amabini ekomiti yolawulo yesikolo (*school management team*) (*SMT*);
 - Abagadi babaviwa abaneqhuzu;
 - naMagosa ezithili abandakanyeka ekuqhutyweni, ekulawulweni, nasekuphathweni kweemviwo zeNSC, zeSC, neze-AET Level 4 ngo-2021/22.
7. Iinqununu/abaphathi bamaziko neeSMT zabo baya kunikwa yonke imathiriyeli yoqeqesho **nekufuneka** isetyenziselwe **ukudlulisela kwabanye** uqeqesho nengcaciso abayifumeneyo, kwabelwana ngayo kwiiseshoni zoqeqesho ezicwangcisiweyo zephondo ezimiselweyo, nabanye abagadi babaviwa. Oku kuya kuqinisekisa ukuba ingcaciso ekwabelwana ngayo ihlala ikumgangatho ofanayo.
8. Ukuqaliswa kwemigaqo emitsha, ngokungqinelana neeprothokholi ze-*COVID-19* ukulungiselela ukulawulwa ngokupheleleyo nokuqhutywa kwenkqubo yoviwo iyonke, kubangela ukuba kube sisinyanzelo ukubakho kolu qeqesho kuwo onke amaqela achaphazelekayo.

9. Okuqhotyoshelwe apha **njengesihlomelo B** yishedyuli ebonisa imihla yoqeqesho namaxesha neendawo zoqeqesho kwisekethe nakwisithili ngasinye.
10. Kuya kuthakazelelwa kakhulu ukukuqonda kwenu ukubaluleka kolu qeqesho nentsebenziswano yenu ngokunjalo.
11. Kucelwa wazise okukule ngcaciso imfutshane bonke abachaphazelekayo ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE OBAMBELEYO WOLAWULO LWEKHARITYHULAM NOVAVANYO

UMHLA: 2021-08-10